

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO**

Stručna služba za zajedničke poslove

Broj: 17-14-1063-5

Sarajevo; 23.1.2018. godine

Na osnovu člana 22. stav (1) tačka b), člana 64. stav (1) tačka b) i člana 70. stav (1) (3) i (6) Zakona o javnim nabavkama („Službeni glasnik BiH“ broj: 39/14), u skladu sa članom 3. Uredbe o osnivanju Stručne službe za zajedničke poslove Kantona Sarajevo („Sl. novine Kantona Sarajevo“ br. 5/06 – Prečišćeni tekst) na preporuku Komisije za nabavku roba u postupku javne nabavke mobilnog aparata za potrebe ministra Ministarstva prostornog uređenja, građenja i zaštite okoliša Kantona Sarajevo, načelnik Stručne službe za zajedničke poslove Kantona Sarajevo, d o n o s i:

**ODLUKU
o izboru najpovoljnijeg ponuđača**

Član 1.

Prihvata se Preporuka Komisije za nabavku roba u postupku javne nabavke mobilnog aparata za potrebe ministra Ministarstva prostornog uređenja, građenja i zaštite okoliša Kantona Sarajevo i dodjeljuje se ponuđaču **"BH TELECOM" d.d. iz Sarajeva**, prema dostavljenoj ponudi od 23.1.2018. godine u ukupnom iznosu od **1.413,48 KM (bez PDV-a), a 1.653,78 KM (sa PDV-om) na otplatu od 12 mjesečnih rata po 117,79 KM.**

Član 2.

Prijedlog ugovora dostavit će se na potpis izabranom ponuđaču po isteku roka od 15 (petnaest) dana, računajući od dana kada je ponuđač obaviješten o izboru najpovoljnije ponude, a u vezi sa članom 98. stav (2) tačka a) ZJN. /izuzeće primjene zabrane potpisivanja ugovora zbog učešća samo jednog ponuđača u pregovaračkom postupku i njegova ponuda je izabrana/.

Izabrani ponuđač nije dužan dostaviti dokaze o kvalificiranosti nakon što bude obaviješten od strane Ugovornog organa o rezultatima postupka nabavke a u skladu sa validnošću osnovnog ugovora.

U slučaju da izabrani ponuđač propusti da dostavi dokaze o kvalificiranosti u navedenom roku ili dostavi neprihvatljive dokaze, ova odluka će se poništiti.

Član 3.

Ova odluka objavit će se na web stranici ugovornog organa, [www:http:sszp.ks.gov.ba](http://www.http:sszp.ks.gov.ba), istovremeno sa upućivanjem iste ponuđaču koji je učestvovao u postupku javne nabavke.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 17-14-1063 od 15.1.2018. godine – “Nabavka mobilnog aparata za potrebe ministra Ministarstva prostornog uređenja, građenja i zaštite okoliša Kantona Sarajevo”. Javna nabavka je provedena putem postupka: Pregovarački postupak bez objave obavještenja za nabavku usluga. Procijenjena vrijednost javne nabavke bez PDV-a iznosi 1.413,48 KM. Za predmetnu nabavku nije objavljeno obavještenje o nabavci na portalu javnih nabavki.

Zahtjev za dostavljanje ponude upućen je jednom ponuđaču : "BH TELECOM" d.d. iz Sarajeva. U skladu sa Odlukom o pokretanju postupka, Komisija za ustupanje usluga formirana Odlukom broj: broj: 17-01-05-31300 od 20.10.2017. godine, provela je proceduru nabavke, obavila javno otvaranje

ponude, sačinila Zapisnik o zaprimanju ponuda, Zapisnik o pregovorima, sačinila i dostavila Zapisnik o pregledu i ocjeni ponude koja je blagovremeno, do utvrđenog dana i sata, dostavljena od strane ponuđača na adresu Ugovornog organa, a kako je traženo u pozivu za dostavljanje ponude u pregovaračkom postupku bez objave obavještenja za nabavku usluga. Zapisnik o pregledu i ocjeni ponuda broj: 17-14-1063-5 od 23.1.2018. godine čini sastavni dio ove odluke i u istom je utvrđeno slijedeće:

- da je ukupan broj pristiglih ponuda jedna (1)
- da je blagovremeno zaprimljeno ukupno jedna (1) ponuda
- da nema neblagovremeno zaprimljenih ponuda
- da prispjela ponuda ponuđača **"BH TELECOM" d.d. iz Sarajeva**, ispunjava formalno-pravne uslove za učešće u kvalifikacijama i tehničke karakteristike i druge uslove propisane od strane ugovornog organa.

Uzimajući u obzir da je komisija u cijelosti pravilno postupila i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskoj dokumentaciji u cijelosti se prihvata Zapisnik o pregledu i ocjeni ponuda.


Tabelarni pregled – rang lista prihvatljivog ponuđača za nabavku mobilnog aparata, u skladu sa kriterijem "najniža cijena", ugovor se dodjeljuje ponuđaču **"BH TELECOM" d.d. iz Sarajeva** u ukupnom iznosu od 1.413,48 KM (bez PDV-a) i 1.653,78 KM (sa PDV-om) i na otplatu od 12 mjesečnih rata u iznosu od 117,79 KM. Za predmetnu nabavku će se zaključiti ugovor.

PRAVNA POUKA: Svaki ponuđač koji ima legitimni interes u predmetnom postupku javne nabavke a koji smatra da je ugovorni organ u toku postupka prekršio jednu ili više odredaba Zakona o javnim nabavkama ima pravo priložiti žalbu u pisanoj formi u roku od 10 (deset) dana od dana prijema ove odluke u skladu sa članom 99. i 101. Zakona.

Žalba se podnosi Ugovornom organu (Stručnoj službi za zajedničke poslove Kantona Sarajevo) neposredno ili preporučeno putem pošte na adresu: Reisa Džemaludina Čauševića br. 1, kao prostepenom organu u žalbenom postupku.

Ponuđač, u slučaju da ulaže pismenu žalbu, dužan je za pokretanje žalbenog postupka platiti naknadu u iznosu 500,00 KM, u skladu sa članom 108. stav 1. Zakona o javnim nabavkama.

Naknada se uplaćuje u korist budžeta institucija BiH i međunarodnih obaveza BiH i ona je nepovratna u slučaju neosnovane žalbe.



Prilog:

1. - Zapisnik o pregledu i ocjeni ponuda broj: 17-14-1063-5 od 23.1.2018. godine

Pripremila: Samira Duraković, dipl.iur.

Kontrolisao: Sedim Kozadra, dipl.ecc.

Dostaviti:

1. Ponuđaču **"BH TELECOM" d.d. iz Sarajeva**
ul. Franca Lehara br. 7 Sarajevo
2. a/a.